

# Furchtbare Nochrichta

Jetzt han i en dr Zeitong a furchtbare Schreckens-  
nochricht glesa:

Die EU-Produktion von  
Lebkuacha nimmt ab. In-  
nerhalb von de letschte 10  
Johr isch die Produktion  
um mehr als a Fünftel ei-  
brocha. 2018 send bloß no  
190.000 Tonna von dem Zu-  
ckergebäck hergestell wor-  
da. Ond des, obwohl des  
Weihnachtsgebäck scho  
seit Anfang September en  
de Regal von de Discoun-  
ter stoht. I bin do eigent-  
lich sehr dankbar drfier,  
denn des erinnert mi, dass  
bald Weihnachta ischt.  
Des kommt jo sonscht em-  
mer so plötzlich. I fend  
aber au, dass mit dem Auf-  
taucha von de erschte Leb-  
kuacha in de Regal, au des  
Weihnachtsgeld überwie-  
sa werda sott.

Gega den Lebkuachaver-  
kaufsschwond hilft bloß  
ois: Scho em Juli missat  
die Hersteller die Lebku-  
cha en d' Regal stella. Län-  
gere Angebotszeit, mehr  
Verzehr. Regat Se sich net  
ibr mein Vorschlag auf.  
Em Subbrmarkt verkauft  
se au scho em Januar Ge-  
burtstagskarta, obwohl i



erschert em November Ge-  
burtstag han.

I han diesjohr jo sogar mol  
vrsuacht, meine Lebku-  
cha selber zom backa – i  
han no nie so leckere Tür-  
stopper g'het. Jetzt kauf i  
halt meine Lebkuacha  
wieder. Am Tag vor Weih-  
nachta han i aber aus Ver-  
sehe Spekulatius statt  
Lebkuacha kauft. Do hane  
me schwer verspekuliert.  
I wünsch Ihne von Herza a  
guat's Neu's Johr

Bis näggschd Woch'

Ihr  
Wulf Wager

kolumne@wulf-wager.de